



UNIVERSITÄTS-  
BIBLIOTHEK  
PADERBORN

## Universitätsbibliothek Paderborn

### De Conciliis Generalibus Approbatis Ac Reprobatis Breve Compendium.

Longo, Francesco

Romae, 1624

6. Ariminense.

**urn:nbn:de:hbz:466:1-10467**

De Concilio Arimi-  
nensi.

Anno 359. congregatum fuit Concilium Ariminense. Sed maximoperè aduertendum, duo Concilia Ariminensis Synodi nomine insignita reperiri; vnum legitimum, & germanum, Arimini verè habitum, in quo Arianæ confessione Sirmij edita, omnium Patrum consensu explosa, Nicæna fides stabilita fuit; quouè Ariani cum Ursacio, & Valente, socijsq; eorum præsentibus, communi Patrum sententia condemnati fuere. Alterum spurium, & illegitimum post multos menses etiam Arimini habitum; vel vt verius alij, alibi, quam Arimini habitum, sed hoc

Anno  
359.

*Ariminensis duo Concilia fuerunt: legitimum, vnum alterum spurium.*

D 2 no.

nomine appellatum .

Prius Catholicum est , & summa laude dignum : posterius verò Arianorum Conciliabulum fuit, in quo, vt Hieronymus in Chronico affirmat, sublatum est de Symbolo nomen *Homousios* : meritoque à Bellarmino inter reprobata eiectum . Sicut igitur ad obscurandam gloriam, & auctoritatem duorum vniuersalium Conciliorum Catholicorum , Nicæni , & Sardicēsis, Ariani alibi eiuldē nominis Synodos coëgerunt: ita ad abolendam hanc priorē ritē, verēque peractam Ariminēsem Synodum Catholicam, & orthodoxam , aliam alibi celebrarunt, quam, priore abrogata , Ariminensem nominarunt , & summis laudibus extulerunt. Vnde sicut Sardicēse ab Augustino , alijsue doctis viris planè reiectum fuit .

*Bellarmino  
nas quare  
Conciliū  
Ariminen  
se inter re-  
probata  
enumerat  
uerit .*

fuit, quod ignorarent, duplicis generis Sardicensia reperiri, ita etiam fortasse accidit, ut Bellarm. lib. 1. cap. 6. nulla facta distinctione Ariminensis Concilij legitimi ab illegitimo, illud inter reprobata enumerarit. Hæc ex Athanasio lib. de Synodis, & Ambros. epist. 32. Baronius anno 359. num. 49. 50. & 51.

In hoc Concilio conveniunt quadringenti Episcopi, quibus omnibus annonas, & cellaria dari Imperator præceperat: sed repudiatis fiscalibus, proprijs sumptibus vivere maluerunt. Ex his, iuxta Athanasium, lib. de Synodis 50. iuxta Seuerum, 80. tantum Arianis; reliqui omnes Catholicæ fidei defensores fuerunt.

Petierunt Arianis, ut antiquatis fidei formulis omnibus alijs anterioribus, Sirmiana

*Episcoporum numerus, qui ad Ariminense Concilium venerunt.*

*Petitio Arianorum Episcoporum.*

fidei confessio tertia, Sirmij edita, & à Constantio approbata, & per Valentem hic recitata, retineretur, idq. propterea in primis, quod in ea Filius Patri per omnia similis esse diceretur. Verùm cum

*Reiicitur  
Arianorū  
petitio, &  
reiectis cæ-  
teris fidei  
formulis  
Symbolū  
Nicænam  
comproba-  
tur.*

eadem nomina *Substantia*, & *Consubstantialitatis*, dolosè suppressissent, ut scilicet, his vocibus abdicatis, Nicænam fidem auerterent, & ad Arianam blasphemiam aditū patefacerent, fraude, & improbitate cognita, Patres. Orthodoxi, nihil de Orientalibus, sicut per literas Imperator petiuerat, statuentes, A-

*Imperator  
res gestas  
grauiter  
tulit, &  
Legatos  
ad se mis-  
sos, cum e-  
riam Epif-  
copis ne-  
glexit.*

rianam hæresim cum suis Sertatoribus damnarunt: atque reiectis alijs fidei formulis vnicum dumtaxat Nicænum fidei Symbolum comprobauerunt.

Hoc grauiter tulit Imperator, vnde Legatos Catholi-

COS

cos ad se missos contempfit, eosque longa mora fatigatos neglexit, iubens eos Adrianopoli, Episcopos ceteros Arimini per hyemem expectare, donec ab expeditione, quam contra barbaros parabat reuerteretur.

Interea Ariani Episcopi, qui Nicææ Thraciæ iussu Imperatoris nouam fidei formulam ex eiusdem Constantij sententia, sub Nicæno nomine vulgatam ediderunt, & ad perfidiam hanc, subscriptione sua approbandam, non tantum Legatos Adrianopoli, & Episcopos omnes Arimini detentos; verum etiam præter Liberium Pontificem, Seruatium Tungrensem, aliosque decem & octo Episcopos fortiter resistentes, omnes penè totius Orbis Antistites metu exilij, & tormentorum per vim induxerunt: adeo quod,

*Fidei nouæ formulam Ariani Episcopi componunt, & ad eam subscribendam legatum Adrianopolitum Episcopi Arimini detenti per vim inducti sunt*

80 DE CONCILIO  
auctore Hieronymo Dial. cōt.  
Luciferian. *totus penè Orbis  
Arianum se esse miratus, tunc  
verè ingemuerit.*

*Conciliabu  
lam Arimi  
ni quando  
celebratum  
& quid in  
eo gestū est.*

Hæc Arimini post legitimã  
Synodum, multis ante men-  
sibus absolutam contigerunt,  
in illo Arianorum Conuentu,  
quo nomine *Consubstantiali-  
tatis* abdicato, Christus ex  
praua Arianorum consequen-  
tia, creatura asserbatur: quo  
Liberius recusans subscribere,  
per Valentem relegatus est:  
quo denique Gaudentius A-  
riminensis Episcopus per mi-  
lites, fustibus, & lapidibus ap-  
petitus, glorioso martyrio oc-  
cubuit.

Hunc Conuentum illi verã  
Ariminensem Synodum nomi-  
narunt, summisque preconijs  
extulerunt, vt eiusdem nomi-  
nis Concilium Orthodoxum,  
& legitimum, vel abolerent:  
vel saltem (quod etiam tem-  
pore

CARIMINENSI. 81  
pore Sardicensis Concilij fe-  
cerant) eius gloriam obscu-  
rarunt. Vide Baronium, anno  
359. num. 27. 32. & seqq.

## De Concilio Constan- tinopolitano I.



Anno 381. celebra-  
tum fuit Conciliū  
Generale, & Oe-  
cumenicum Con-  
stantinopolitanum I. Conue-  
nerunt eò 150. Patres aucto-  
ritate Damasi Papę, & fauen-  
te Theodosio Imperatore Se-  
niore, vt apparet ex Syno-  
dica eiusdem Concilij ad Da-  
masum, & reliquos Occiden-  
tales Episcopos Romę congre-  
gatos: Et ex peruetusto Co-  
dice, qui in Vaticano, alijs-  
ue, qui in quibusdam Biblio-  
thecis extant, in quibus hæc  
scripta leguntur. *Sententiam*

Anno  
381.

D 5 de